



/Broj: 05/7-50-13-272-5/14
Sarajevo,

IZVJEŠTAJ O RADU
VIJEĆA NACIONALNIH MANJINA BiH
ZA 2013. GODINU

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08 i 53/09) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina BiH („Službeni glasnik BiH“, br. 15/08, 53/09 i 59/09) imenovala članove Vijeća nacionalnih manjina BiH.

Tokom 2013. godine, Vijeća nacionalnih manjina Bosne i Hercegovine je radilo u tehničkom mandatu u periodu do septembra mjeseca, a u novom sazivu od oktobra mjeseca 2103. godine. Izvještaj o radu Vijeća nacionalnih manjina BiH je shodno načinu djelovanja podijeljen u dva dijela. U prvom dijelu je izvještaj u tehničkom mandatu, a u drugom dijelu izvještaj o radu od konstituiranja Vijeća nacionalnih manjina BiH do kraja 2013. godine.

RAD U TEHNIČKOM MANDATU ZA PERIOD
JANUAR 2013. – SEPTEMBAR 2013. GODINE

Uvodne napomene

Na osnovu člana 4. stav (1) Odluke o osnivanju Vijeća nacionalnih manjina BiH, utvrđeno je da Vijeća nacionalnih manjina BiH daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 4. stav (2) navedene odluke, Vijeća nacionalnih manjina BiH može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava, prava, djeteta, mlade, imigraciju,

izbjeglice, azil i etiku i drugih komisija i radnih tijela Parlamentarne skupštine BiH kada one raspravljaju o pravima, položaju i interesima nacionalnih manjina.

Parlamentarna skupština je 1.11.2011. godine objavila Javni poziv za kandidiranje u članstvo Vijeća nacionalnih manjina BiH (br. 03/6-50-1-12-4/11). Članovi koji su obavljali dužnost od prvog konstituiranja do okončanja perioda rada u tehničkom mandatu Vijeća nacionalnih manjina BiH su:

1. HALIL BICAJ (Albanac)
2. JOVANKA MANZALOVIĆ ŠALAKA (Čehinja)
3. TIHOMIR KNEŽIČEK (Italijan)
4. JAKOB FINCI (Jevrej)
5. VASILJA IBRAHIMAGIĆ (Makedonka)
6. NEDŽAD JUSIĆ (Rom)
7. ANDRIJA SVATOK (Ukrajinac)
8. IREN MILIVOJEVIĆ (Mađarica)
9. DARKO KOVČ (Poljak)
10. MARIJA GRBIĆ (Slovenka)
11. HIDAJETA REDŽIĆ i NEĐELJKO TOMAŠEVIĆ (Crnogorci)
12. HAKAN VARAN (Turčin)

1. Sjednice

U izvještajnom periodu, januar 2013. – septembar 2013. godine, Vijeća nacionalnih manjina BiH nije održalo ni jednu sjednicu.

2. Aktivnosti Vijeća nacionalnih manjina BiH

2.1. Učešće predstavnika u radnim grupama za izradu Strategije za rješavanje pitanja nacionalnih manjina u Bosni i Hercegovini

Bosna i Hercegovina ratificirala je Okvirnu konvenciju o zaštiti nacionalnih manjina i kao članica Vijeća Evrope obavezala se da će pripadnicima nacionalnih manjina zagarantirati punu ravnopravnost pred zakonom i jednaku zaštitu.

Polazeći od preuzetih obaveza, Ministarstvo za ljudska prava i izbjeglice BiH, kao nadležno za saradnju s nacionalnim manjinama, zajedno s Misijom OSCE-a u BiH, a uz podršku Vijeća nacionalnih manjina BiH i entiteta, pokrenulo je aktivnosti na izradi *Strategije za rješavanje pitanja nacionalnih manjina u BiH*.

Zajednički cilj navedenih institucija i tijela je da pruže sveobuhvatnu zaštitu, očuvanje, poštivanje i razvoj etničkog, kulturnog, jezičkog i religijskog identiteta nacionalnih manjina i da uspostave efikasno učešće i predstavljanje nacionalnih manjina na državnom, entitetskom i lokalnom nivou u Bosni i Hercegovini.

U cilju realizacije planiranih aktivnosti formiran je **izvršni odbor** u kome su imenovani članovi Vijeća nacionalnih manjina BiH Nedžad Jusić i Tihomir Knežiček. Formirano je ukupno šest radnih grupa (predstavnicu vladinog i nevladinog sektora) čiji su članovi i predstavnici Vijeća nacionalnih manjina BiH:

1. **Radna grupa za ekonomska, socijalna i kulturna prava**, u koju je imenovan Darko Kovč.
2. **Radna grupa za očuvanje i razvoj kulturne baštine nacionalnih manjina**, u koju je imenovana Marija Grbić.
3. **Radna grupa za obrazovanje nacionalnih manjina**, u koju je imenovana Vasilija Ibrahimagić.
4. **Radna grupa za pristup nacionalnih manjina medijima i informacijama**, u koju je imenovan Andrija Svatok. Navedena radna grupa do sada nije imala aktivnosti.
5. **Radna grupa za političko učešće nacionalnih manjina, građanska i politička prava**, u koju je imenovan Neđeljko Tomašević;
6. **Radna grupa za prekograničnu saradnju**, u koju je imenovana Jovanka Manžalović Šalaka.

Radne grupe su imale aktivnosti prije izvještajnog perioda, a u periodu od 1. januara do 18. septembar 2013., odnosno do konstituiranja novog saziva Vijeća nacionalnih manjina BiH bila je jedna aktivnost:

Održan je treći sastanak svih radnih grupa 10. i 11.9.2013. u Sarajevu, grupa za Medije će zbog kašnjenja u radu, imati još jedan sastanak. Misija OSCE-a je na sastanku prezentirala planirani tok i dinamiku usvajanja dokument.

Učesnici procesa su zaključili da predloženi materijali koji su definisani kao **Strateška platforma za rješavanje pitanja nacionalnih manjina u Bosni i Hercegovini** ne zadovoljavaju očekivane standarde i traži se popravka dostavljenih materijala.

2.2. Sastanci Vijeća nacionalnih manjina sa stranim delegacijama

U izvještajnom periodu članovi Vijeća nacionalnih manjina BiH održali su sljedeće sastanke i posjete:

19.2.2013. Članovi Vijeća nacionalnih manjina BiH i predsjedavajući Nedžad Jusić, razgovarali su s delegacijom Kraljevine Tajland od 33 člana koje je predvodio pomoćnik generalnog sekretara Kraljevskog instituta Prajadhipok profesor Woothisarn Tanchai. Razgovaralo se o položaju nacionalnih manjina u Bosni i Hercegovini, o načinima organiziranja zvaničnih tijela koja predstavljaju nacionalne manjine u Bosni i Hercegovini i o zakonskim preprekama za aktivno učešće u politici pripadnika nacionalnih manjina u Bosni i Hercegovini. Tajlandska delegacija predložila je stanje položaja nacionalnih manjina na Tajlandu i konstatirala da je problematika slična kao u Bosni i Hercegovini.

21.3.2013. Predsjedavajući Nedžad Jusić i članovi Vijeća nacionalnih manjina BiH Jovanka Manžalović-Šalaka i Jakob Finci održali su sastanak s predstavnicom organizacija Minority Rights Group (MRG) iz Londona Evelin Verhas, Kućom ljudskih prava Sarajevo i Srpskim građanskim vijećem - Pokretom za ravnopravnost Kantona Sarajevo u vezi s realizacijom trogodišnjeg projekta s ciljem unapređenja položaja pripadnika nacionalnih manjina i njihovih ljudskih prava u BiH. Sastanak je održan u zgradi Parlamentarne skupštine BiH. Članica Vijeća Jovanka Manžalović-Šalaka predstavila je zajednički projekat pet udruženja nacionalnih manjina Kantona Sarajevo „Park nacionalnih manjina“ koji je otvoren u Sarajevu 2010. godine u saradnji s lokalnom zajednicom, Općinom Novo Sarajevo, a koji je finansiralo Ministarstva vanjskih poslova Češke Republike.

13.5.2013. Sastanak sa specijalnom izvjestiteljicom UN-a u oblasti kulturnih prava Faridom Shaheed u zgradi Parlamentarne skupštine BiH. Predsjedavajući Nedžad Jusić i članovi Vijeća nacionalnih manjina BiH Jovanka Manžalović-Šalaka, Tihomir Knežiček, Halil Bicaj, Hakan Varan, Nedeljko Tomašević, kao i predsjedavajuća Odbora za Rome pri Vijeću ministara BiH Indira Bajramović razgovarali su s Faridom Shaheed, specijalnom izvjestiteljicom Ujedinjenih naroda u oblasti kulturnih prava, i s njenim saradnicima o stanju i položaju nacionalnih manjina u BiH o pitanju ostvarivanja kulturnih prava. Rezultati sastanka bit će sastavni dio izvještaja koji će Faride Shaheed dostaviti UN-u.

2.3. Saradnja s medijima

Vijeća nacionalnih manjina BiH u izvještajnom periodu nije imalo medijskih nastupa.

RAD OD KONSTITUISANJA VIJEĆA NACIONALNIH MANJINA BiH ZA PERIOD SEPTEMBAR 2013. - DECEMBAR 2013. GODINE

Uvodne napomene

Parlamentarna skupština Bosne i Hercegovine na 50. sjednici Predstavničkog doma, održanoj 18. jula 2013. godine, i na 31. sjednici Doma naroda, održanoj 23. jula 2013. godine, na prijedlog Zajedničke komisije za ljudska prava, prava djeteta, mlade, useljništvo, izbjeglice, azil i etiku Parlamentarne skupštine Bosne i Hercegovine, donijela je Odluku o imenovanju članova Vijeća nacionalnih manjina Bosne i Hercegovine.

U Vijeće nacionalnih manjina BiH imenovani su članovi:

1. HALIL BICAJ (Albanac),
2. NADA PUTICA (Crnogorka) na razdoblje od 1.8.2012. do 31. 1. 2014, a DRAGAN MARKOVIĆ (Crnogorac) od 1. 2. 2014. do 31. 7. 2015., odnosno do kraja mandata ovoga saziva izabranih članova Parlamentarne skupštine Bosne i Hercegovine,
3. JOVANKA MANZALOVIĆ ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ JUHAS (Mađarica),

7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAČ (Nijemac),
10. DEJAN PIOTROVSKI (Poljak),
11. HAKAN VARAN (Turčin),
12. SILVIJA VUJOVIĆ (Rumunjka),
13. MARIJA GRBIĆ (Slovenka),
14. ANDRIJA SVATOK (Ukrajina),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom).

Odluka je stupila na snagu 30. jula 2013. objavom u "Službenom glasniku BiH" - broj 60.

Na osnovu člana 5. Odluke o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08 i 53/09) Predsjedavajući Predstavničkog Doma Parlamentarne Skupštine BiH i Predsjedavajući Doma naroda Parlamentarne Skupštine BiH sazvali su konstituirajuću sjednicu Vijeća nacionalnih manjina BiH koja je održana 18.9.2013. čime je započet rad Vijeća nacionalnih manjina BiH u novom sazivu.

1. Sjednice Vijeća nacionalnih manjina BiH

U izvještajnom periodu Vijeće nacionalnih manjina BiH je održalo 4 redovne sjednice.

Prva – konstituirajuća sjednica je održana 18.9.2013., na toj sjednici izvršen je izbor predsjedavajućeg i dva zamjenika predsjedavajućeg. Članovi Vijeća nacionalnih manjina BiH jednoglasno su izabrali Tihomira Knežičeka, predstavnika italijanske nacionalne manjine u BiH, za predsjedavajućeg Vijeća nacionalnih manjina BiH, Andriju Svatoka, predstavnika ukrajinske nacionalne manjine, za prvog zamjenika predsjedavajućeg, a Nadu Puticu, predstavnicu crnogorske nacionalne manjine, za drugu zamjenicu predsjedavajućeg. Nakon konstituiranja, članovi Vijeća nacionalnih manjina BiH održali su sastanak na kojem su se članovi predstavili i upoznali. Članovi su ukratko predstavili djelovanje udruženja koja su ih predložila za Vijeće nacionalnih manjina BiH i iskazali svoja očekivanja od članstva u Vijeću nacionalnih manjina BiH.

Druga sjednica je održana 21.10.2013.

Treća sjednica je održana 8.11.2013.

Četvrta sjednica je održana 27.12.2013.

Na sjednicama se raspravljalo o aktuelnoj problematici rada Vijeća nacionalnih manjina BiH, prvenstveno o izvještajima o radu Vijeća nacionalnih manjina BiH za period do konstituiranja novog saziva Vijeća nacionalnih manjina BiH, prijedlozima sadržaja Poslovnika Vijeća nacionalnih manjina BiH, inicijativama za izmjene i dopune Odluke o osnivanju Vijeća nacionalnih manjina BiH, o upućivanju upita prema institucijama koje su nadležne za problematiku nacionalnih manjina, budžetu za rad Vijeća nacionalnih manjina BiH, statusu aktivnosti izrade *Strategije za rješavanje pitanja nacionalnih manjina u BiH*, WEB prezentacije Vijeća nacionalnih manjina BiH, pritužbama i inicijativama koje su došle od strane pripadnika nacionalnih manjina u BiH.

Sve sjednice su održane u planirano vrijeme, uz značajno prisustvo članova Vijeća nacionalnih manjina BiH, i uz značajnu stručnu pomoć državnih službenica u Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH.

2. Aktivnosti Vijeća nacionalnih manjina BiH

2.1. Priprema i izrada dokumenata

U izvještajnom periodu su pripremljeni i izrađeni sljedeći dokumenti:

- Radni plan Vijeća nacionalnih manjina BiH za 2013. i 2014. godinu

Na osnovu iskustava u dosadašnjem radu Vijeća nacionalnih manjina BiH, i procjene aktivnosti koje bi Vijeća nacionalnih manjina BiH trebalo realizovati u narednom periodu, predsjedavajući je predložio plan rada Vijeća nacionalnih manjina BiH za 2013. i 2014. godinu, koji su usvojili članovi Vijeća nacionalnih manjina BiH.

- Izvještaj o radu Vijeća nacionalnih manjina BiH

S obzirom da u tehničkom mandatu Vijeća nacionalnih manjina BiH nije urađen Izvještaj o radu za period tehničkog mandata, pripremljen je Izvještaj o radu Vijeća nacionalnih manjina

BiH u tehničkom mandatu za period septembar 2012. do septembar 2013. godine. Nakon analize, Izvještaj je usvojen od strane članova Vijeća nacionalnih manjina BiH.

- Poslovnik Vijeća nacionalnih manjina BiH

Urađeni prijedlog Poslovnika je upućen Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH. Komisija je uvrstila Poslovnik u dnevni red 28. sjednice od 4.12.2013. koja nije održana zbog nedostatka kvoruma Komisije. Predstavnički dom i Dom naroda i su na svojim sjednicama (5.12.2013. i 16.12.2013. godine) razmatrali i prihvatili *Poslovnik Vijeća nacionalnih manjina BiH*.

2.2. Priprema i izrada inicijativa

U izvještajnom periodu **Vijeća nacionalnih manjina BiH** je uputilo sljedeće inicijative:

- **Pripremljen je Prijedlog** odluke o izmjenama i dopunama Odluke o osnivanju Vijeća nacionalnih manjina Bosne i Hercegovine. Prijedlog je upućen Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH na razmatranje.
- **Pripremljen je Prijedlog** o izmjeni Odluke o imenovanju članova Vijeća nacionalnih manjina ("Službeni glasnik BiH", br. 60/13). Prijedlog je upućen Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH na razmatranje.
- **Upućen je zahtjev** Centralnoj izbornoj komisiji BiH kojim se traži informacija o učešću predstavnika nacionalnih manjina na Lokalnim izborima 2012. godine i informacije o izabranim predstavnicima nacionalnih manjina. Centralna izborna komisija BiH je dostavila tražene informacije koje su usvojene na sjednici Vijeća nacionalnih manjina BiH, a tražena su i dodatna objašnjenja.
- **Upućena je sugestija** Ministarstvu civilnih poslova BiH da otvori poseban grant za dodjelu finansijskih sredstava za 2014. godinu za nacionalne manjine, koji bi bio namijenjen za podršku rada udruženjima nacionalnih manjina u BiH. Ministarstvo civilnih poslova BiH je odgovorilo da je pitanje u ingerenciji Ministarstva za ljudska prava i izbjeglice. Odgovor Ministarstva nije zadovoljavajući za članove Vijeća nacionalnih manjina BiH pa će se aktivnosti nastaviti dogovorom sastanka sa Ministarstvom civilnih poslova.

- **Upućena je sugestija** specijalnom predstavniku Evropske unije u BiH da predstavnike nacionalnih manjina uključi u pregovore u vezi s provođenjem presude Evropskog suda za ljudska prava u Strazburu u predmetu Sejdić i Finci protiv Bosne i Hercegovine, na što je Delegacija EU odgovorila da su svi protokoli unaprijed dogovoreni i da nije predviđeno učešće drugih strana, osim direktnih učesnika u pregovorima.
- **Razmatrana je inicijativa** za dopunu poslovnika oba doma Parlamentarne skupštine BiH po kojoj bi Vijeće nacionalnih manjina moglo da bude ovlašteni predlagač zakona u oblasti koja tretira pitanja nacionalnih manjina. Inicijativa nije upućena Parlamentarnoj skupštini BiH jer je prethodno potrebno istražiti tu mogućnost analizom Poslovnika o radu oba doma, što može biti urađeno tokom 2014. godine.
- **Upućen je zahtjev** Sekretarijatu zajedničke službe za dostavljanje finansijskog plana budžeta za rad Vijeća nacionalnih manjina BiH za 2013. i 2014. godinu. Sekretarijat je dostavio neprecizan odgovor (18.11.2013) i dopunjen odgovor 27.12.2013. godine. U odgovorima se navodi da predviđenim budžetom mogu biti pokrivena nadoknade za rad članovima Vijeća nacionalnih manjina BiH (i troškovi reprezentacije), ali ne i aktivnosti Vijeća nacionalnih manjina BiH. S obzirom na umanjenje budžeta za Parlamentarnu skupštinu BiH, Kabinet sekretara Zajedničke službe ne može garantovati ni planirana sredstva, a još manje planirati dodatna sredstva za rad Vijeća nacionalnih manjina BiH. Ovaj koncept raspodjele budžeta onemogućit će realizaciju planiranih aktivnosti Vijeća nacionalnih manjina u 2014. godini.
- **Upućen je zahtjev** Ministarstvu za ljudska prava i izbjeglice BiH za informacijom o stanju izrade Strateške platforme. Ministarstvo je dostavilo odgovor 18.11.2013. godine. u kojem navodi raniji tok izrade strategije i šta OSCE planira u narednim koracima. Isti zahtjev je upućen i OSCE-u, odgovor OSCE-a nije dobijen.
- **Vijeće nacionalnih manjina BiH podržalo je inicijativu** da se pripremi izvještaj o trenutnom stanju i položaju nacionalne manjine koju svaki član Vijeća predstavlja. Predsjedavajući Vijeća nacionalnih manjina će pripremiti metodologiju izrade izvještaja, na čemu će članovi Vijeća nacionalnih manjina raditi tokom 2014. godine.

3. Sastanci

- **Učešće predstavnika u radnim grupama za izradu Strategije za rješavanje pitanja nacionalnih manjina u BiH**

Održan je sastanak radnih grupa u Sarajevu 10. i 11. oktobra 2013. na kojem su grupe radile na elementima strateške platforme. Od strane Misije OSCE-a je ovaj sastanak najavljen kao zadnji sastanak radnih grupa. Tom prilikom je sumiran proces (za koji se moglo zaključiti da nije unificiran, pa tako ni ostvareni rezultati nisu ujednačeni po sadržaju). OSCE je predočio slijed narednih aktivnosti koje bi trebale rezultovati izradom dokumenta Strateške platforme. Misija OSCE u BiH je 24.10.2013, godine članovima radnih grupa dostavila zapisnik sa zajedničkog sastanka u Sarajevu i predviđeni redoslijed narednih aktivnosti. OSCE je planirao sastanak Izvršnog odbora u Banja Luci 16. i 17. decembra 2013. godine, ali je sastanak odgođen zbog neusaglašenosti mišljenja o sadržaju dokumenta koje su dostavili učesnici u procesu. U toku izrade izvještaja o radu Vijeća nacionalnih manjina BiH nije poznato kako će se proces nastaviti.

4. Rad sa medijima

U izvještajnom periodu predsjedavajući Vijeća nacionalnih manjina je imao sljedeće medijske aktivnosti:

- Press konferencija nakon konstituisanja Vijeća nacionalnih manjina, Sarajevo 18.9.2013.
- Izjava za medije za SRNA 28.9.2013.
- Gostovanje u TV programu K3 Prnjavor emisija Potez na temu položaja nacionalnih manjina u BiH.
- Izjava za medije nakon 2. sjednice Vijeća nacionalnih manjina 21.10.2013.
- Gostovanje na FTV, treći dnevnik, Tuzla, 21.10.2013.

5. Ostale aktivnosti Vijeća nacionalnih manjina BiH

- Pokrenuta inicijativa za Web-prezentaciju članova Vijeća nacionalnih manjina BiH i dostavljanje biografija nije prihvaćena iz tehničkih razloga uređenja WEB stranice Parlamentarne skupštine BiH.
- Vijeću nacionalnih manjina BiH je upućena žalba pripadnika crnogorske nacionalne manjine iz Breze u kojoj se navode različiti vidovi diskriminacije koji se provode nad porodicom Dijaković iz Breze. Vijeće nacionalnih manjina nije moglo zauzeti stav u pogledu predstavke, pa je ista proslijeđena na razmatranje Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku.

- Vijeću nacionalnih manjina BiH obratio se Tomašević Neđeljko, pripadnik crnogorske nacionalne manjine sa inicijativom koja se odnosi na usklađivanje Zakona o zaštiti prava pripadnika nacionalnih manjina BiH sa Izbornim zakonom BiH. Inicijativa je podržana i predloženo je inicijatoru da dostavi konkretne prijedloge koji se odnose na usklađivanje Zakona o zaštiti prava pripadnika nacionalnih manjina BiH sa Izbornim zakonom BiH. Inicijator nije dostavio prijedloge. U narednom dopisu Tomašević je sugerisao aktivnosti koje bi Vijeće nacionalnih manjina trebalo da uradi, ali bez iskazane želje za ličnim angažovanjem u ostvarenju cilja.

6. Aktivnosti predsjedavajućeg Vijeća nacionalnih manjina BiH

Za potrebe djelovanja Vijeća nacionalnih manjina BiH, predsjedavajući Vijeća je imao sljedeće aktivnosti:

- Sastanci sa državnim službenicima Ureda sekretara Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH, Sarajevo 24.9, 21.10, 8.11, 14.11 i 27.12.
 - Prisustvo okruglom stolu "Da li kvote za manjine u BiH zaista daju rezultate", Sarajevo, 24.9.2013.
 - Prisustvo akademiji "10 godina Saveza nacionalnih manjina RS", Banja Luka 26.9.2013.
 - Prisustvo obilježavanju Dana državnosti Republike Katar, Sarajevo 9.12.2013.
 - Posjeta ženskoj romskoj organizaciji "Bolja Budućnost" Tuzla, 3.12.2013.
- Zbog kašnjenja u dostavi poziva za obilježavanje Dana ljudskih prava, nije bilo predstavnika Vijeća nacionalnih manjina na prijemu u Parlamentarnoj skupštini BiH.

Predsjedavajući Vijeća nacionalnih manjina BiH

Prof. dr. Tihomir Knežiček